



# Priznavanje diplome

Diplome stečene u inostranstvu nisu uvijek priznate u Švicarskoj. Pod određenim okolnostima je moguće doći do priznanja diplome. Za neke profesije je apsolutno neophodno da diploma bude priznata.

## Priznavanje

Diploma stečena u inostranstvu može pod određenim uslovima biti priznata u Švicarskoj. Priznanjem se potvrđuje da su inostrana diploma ili inostrano svjedočanstvo isti (ekvivalentni) kao i oni koji su stečeni u Švicarskoj. Za zanimanja, koja su regulisana isključivo švicarskim zakonima, kao, npr. medicinsko ili nastavno osoblje, priznanje diplome je neophodno da bi se moglo raditi u svojoj struci. Ovisno o kojem se zanimanju i obrazovanju radi, postoje različite institucije za priznavanje tih diploma. Priznavanje diplome se plaća. Državni sekretarijat za obrazovanje, istraživanje i inovacije SBFI (Staatssekretariat für Bildung, Forschung und Innovation SBFI | Secrétaire d'État à la formation, à la recherche et à l'innovation SEFRI) odgovoran je za opšta pitanja o priznavanju stranih diploma .

## Potvrda o nivou obrazovanja

Za zanimanja koja nisu regulisana isključivo švicarskim zakonima nije potrebnoda diploma bude priznata da bi se moglo ovdje raditi. Za ova zanimanja se može tražiti potvrda o nivou obrazovanja (Niveaubestätigung | Attestation de confirmation de niveau). Ovom potvrdom se pokazuje status inostrane diplome u Švicarskom sistemu obrazovanja. Potvrda može pomoći u pronalaženju posla. Više informacija pružaju Nacionalno kontaktno mjesto za priznavanje diploma (Nationale Kontaktstelle für Diplomanerkennung | Point de Contact national pour la reconnaissance de diplômes) ili Centri za savjetovanje i informacije o karijeri BIZ (Berufsberatungs- und Informationszentren BIZ | Centres d'orientation professionnelle OP).

## Nadoknađivanje stručnih kvalifikacija

Odrasle osobe sa radnim iskustvom, a bez priznate diplome ili priznate kvalifikacije, mogu naknadno završiti osnovno ili više strukovno obrazovanje. Način školovanja ovisi od već postojećeg obrazovanja, od radnog iskustva i godina starosti. U svakom slučaju dobro znanje njemačkog jezika (nivo B1/B2 po GER) je važno za školovanje. Zainteresovane osobe se mogu besplatno informisati i dibiti savjete kod Centra za savjetovanje i informacije o karijeri BIZ (BIZ | OP). Onaj ko nadoknadi profesionalne kvalifikacije ima bolje šanse na tržištu rada i pristup raznim doškolovanjima ili daljim obukama.



Kanton Bern  
Canton de Berne

hallo-bern.ch  
salut-berne.ch

**Više informacija (linkovi, adrese, brošure, informacioni listovi)**

[www.hallo-bern.ch/hr/posao/priznavanje-diplome](http://www.hallo-bern.ch/hr/posao/priznavanje-diplome)

**hallo-bern.ch**

Informacije za dobar početak u novom mjestu stanovanja  
[Posao / Priznavanje diplome](#)